

REFERAT MIA - Meeqqanut Ilaqutariinnullu Ataatsimiititaq d. 17-09-2020

Mødedato Torsdag d. 17. september 2020 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Ukiumoortumik nalunaarusiaq 2019 – MI ikiorsiissuteqartarnermut neqeroorutit.....	7
Aalajangiiffissat.....	10
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	11
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	12
Meeqqat ilaqutariillu inuuniarnermikkut ajornartorsiuteqartut pillugit politikki 2020-2024.....	15
Taasariaqartut allat.....	18
Lukket.....	19
Lukket.....	20
Imaqarniliap akuerineqarnera.....	21

Punkt 0: Saqqaa

Ilaasortat:

Uju Petersen (IA), siulittaasoq.

Hans Jukku Noahsen (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

Beslutning

Ataatsimeeqataasut: Uju Petersen (IA), Inge Olsvig Brandt (IA), Hans Jukku Noahsen (IA), Ane Egede Mathæussen (S)

Oqarasuaatikkut: Knud Mathiassen (IA)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput

Punkt 2: Nalunaarutit

2a. Siulittaasumit nalunaarutit

2b. Ingerlatsivimmit nalunaarutit

Beslutning

2a. Ataatsimiititaliap avannaanut paasisasarsiorlutik ingerlalluarpoq

2b.

- Nuummi inuusuttut pinerluuteqartut piffissami kingullermi annertusimmata, ingerlatsivimminngaanniit eqqumaffigineqarpoq immikkullu iliuuseqassamaarput

- Ingerlatsiviup Aningaasaqarnermut Inuussutissarsiutinullu Ataatsimiititamut Tasiilami meeqqanut inuusuttunullu immikkut pisariaqartitsisunut neqeroorummik ataqatigiissakkamik ilassutitut aningaasaliissutinik pilersitsinissaq inassuteqaatigaa.

Tasiilami meeqqat inuusuttullu arlaqarput angerlarsimaffimmini toqqjissisimanartumik, isumassorneqarnermik malittarisassaqarnermillu misigitinneqanngitsut. Taamatut ajornartorsiuteqarnermi atuarfimmi aalajaatsuunnginnermik, aannajaarniutinik soorlu hashimik imigassamillu pinngitsuuisinnaajunnaarnermik kiisalu pinerluuteqarniarnernik kinguneqakkajuttarpoq. Inuusuttut tamakku akornanni arlaqarput aalajangiinnartartut imminnullu toqullutik.

Taamatut pisarneq Meeqqanut Ilaqutariinnullu Ingerlatsivimmit allanngortissinnaallugu neriuteqarfigineqarpat, inuusuttut pisariaqartitsisut ikiorumallugit Tasiilami inuusuttunik siunnersuisarnermik neqeroorutit pioreersup siuarsarneqarnissaa pisariaqarpoq. Ullumikkut Tasiilami inuusuttunut pitsaaliuinermik neqeroorutit killeqarput, suliallu pioreersut arlallit ima inerneqartarput angerlarsimaffiup avataanut angerlarsimaffimmiit ungasissumut inissiisarnermik.

Inuusuttunik sullissivimmiissapput assersuutigalugu najugaqarnissamut aamma katsorsartinnissamut neqeroorutit makkuninnga atorneqarsinnaasut:

- Inuusuttut suliniuteqareernermi malinnaavigineqartut, tak. Meeqqat tapersorneqarnissaannut inatsit. Suliniuteqareernermi malinnaaneq inuusuttunut 18-iniit 23-nut ukiulinnoorpoq, taakkuuppullu inersimasutut inuunermi tapersorneqanngikkunik suli imminnut paarisinnaanngitsut. Inuusuttullu pineqartut tassaakkajuttarput ulloq unnuarlu angerlarsimaffimmi inissinneqarnikut, aamma najukkaminnut uterusuttut. Aamma inuusuttut pineqartut tassaasinnaapput angajoqqaarsianut inissinneqarsimasut, taakkulu 18-inik ukioqalereernerup kingorna nammineerniartussat.
- Inuusuttut angerlarsimaffimmini atukkatik peqquataallutik najugaqarnissamut katsorsartinnissamullu neqeroorummik pisariaqartitsisut
- Inuusuttut 15-it 18-illu akornanni ukioqartut inuuniarnermikkut imaluunniit tarnikkut ajornartorsiuteqangaatsiartut, amerlasuutigullu Nunatta Kitaani ulloq unnuarlu angerlarsimaffinnut inissinneqartartut.
- Najugaqarnissamut neqerooruteqarnerup saniatigut sullissivik 12-it 18-illu akornanni ukiulinnut perorsaaniikkut ulluunerani neqerooruteqassaaq, soorlu inuusuttunik maanna siunnersuisarnermi tamanna ilaatinneqartoq.

Punkt 3: Ilisimatitsissutit

Punkt 03A: Ukiumoortumik nalunaarusiaq 2019 – MI ikiorsiissuteqartarnermut neqeroorutit

Beslutning

Ilisimatitsissut tusaatitut tiguneqarpoq

Bilag

Årsberetning 2019 – Børne- og Familiecenter Tasiilaq_KAL.docx

Årsberetning 2019 – Forebyggelseskonsulenterne KAL.docx

Bilag 5 - 2019 Tal over antal selvmord.xlsx

Bilag 6 - 2000 – 2017 tal over selvmord 2014 – 2017..docx

Ukiumoortumik nalunaarusiaq 2019 – MI ikiorsiissuteqartarnermut neqeroorutit

”Pitsaaliuinnermut aamma meeqqanik ilaqtariinnillu katsorsaanermut immikkoortortami”
suliffeqarfiit ukiumoortumik nalunaarusiaat.

Ilisimatitsissut

J.nr.: 42.00

Meeqqanut Ilaqtariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Suliffeqarfiit ukiumoortumik nalunaarusiaat suliame pineqarpoq:

- Tasiilami Meeqqanut Ilaqtariinnullu Sullissivik
- Pitsaaliuinnermut siunnersortit

Ukiumoortumik nalunaarusiat suliffeqarfanni ataasiakkaani immikkoortortami aqutsisunit suliarineqarput, aammalu suliffeqarfiup ingerlanerani 2019-imilu suliaannik imaqlutik.

Inassuteqaat

Meeqqanut Ilaqtariinnullu Ingerlatsiviup Meeqqanut Ilaqtariinnullu Ataatsimiititumut inassuteqaatigaa:

- Ilisimatitsissut tusaatissatut tiguneqassasoq

Suliamik saqqummiussineq

Ukiumoortumik nalunaarusiat imarisaat assigiinngisitaartuupput, neqeroorutilli ataasiakkaat allaaserinerinik tamarmik imaqlarput, taakkununga ilanngullugit imarisaat sullitassallu, suliassat immikkut ittut, suleriaatsit, kisitsisitigut paasissutissat aningaasaqarnerlu.

Tamakkua saniatigut aqqissuussaaneq pillugu paasissutissat, init, takorluukkat, assigiinngitsunik suleqateqarneq ineriartornissamullu periarfissat ilanngunneqarsinnaapput.

Aaqqiissutissatut siunnersuut – suliatigut naliliineq

Ukiumoortumik nalunaarusiat tunngavigalugit suliffeqarfiit pineqartut kommunimi ikiorsiissuteqartarnermut neqeroorutit ilaattut pisussaaffimminnik naammassinnissimasutut nalilerneqarput.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviumik uppersaatitallit

- o ”Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq”

Ingerlariaqqinnissaq

Suliffeqarfiit pineqartut neqeroorutiminnik ataavartumik ineriartortitsisinnaapput, taamaasillutik sullitanut sapinngisamik iluaqutaaneruniassammata.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. "Ukiumoortumik nalunaarussiaq 2019 – Meeqqanut Ilaqutariinnullu Sullissivik Tasiilaq"
2. "Ukiumoortumik nalunaarussiaq 2019 – Pitsaaliuinnermut siunnersortit"
3. "Ilanngussaq 5 - 2019 Imminut toqussimasut pillugit kisitsisit" (Ukiumoortumik nalunaarusiamut 2019-moortumut ilanngussaq – Pitsaaliuinnermut siunnersortit)
4. "Ilanngussaq 6: 2000 – 2017 imminut toquttarneq pillugu kisitsisit. Imminut toqoriarsimasut aammalu imminut toqunnissamik siorasaarisut pillugit kisitsisit 2014 – 2017" (Ukiumoortumik nalunaarussiaq 2019 – Pitsaaliuinnermik siunnersortit)

Punkt 4: Aalajangiiffissat

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Ineriartortitsinissamut Pilersaarut pillugu killiffimmik nalunaarusiaq MI 2017-2020

Beslutning

Inassuteqaat akuersissutigineqarpoq

Bilag

12. Statusrapport 2. kvartal 2020_38214_KAL.docx

Aktivitetsplan 2017 - 2020 - juni 2020 KAL.xlsx

Deloitte bemærkninger til kvartalsrapport 2. kvartal 2020.docx

Ineriartortitsinissamut Pilersaarut pillugu killiffimmik nalunaarusiaq MI 2017-2020

Killiffik pillugu nalunaarusiaq 12-iat, kvartalit aappaat 2020

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Ineriartortitsinissamik pilersaarummut 2017-2020 tunngatillugu, tassanilu suliarineqartussat ilanngullugit, Meeqqanut Ilaqutariinnullu Ingerlatsivimmit killiffii pillugit 2020-mi kvartalip aappaanni nalunaarusiarineqarput.

Killiffimmik nalunaarusiap suliarinerani siunnersuinikkut ilitsersuinikkullu Deloittep ingerlatsivik suleqatigivaa.

2020-imi kvartalip aappaanni killiffik pillugu nalunaarusiaq pingasunut avinneqarpoq:

- Ingerlatsiviup killiffik pillugu nalunaarusiaa
- Suliassat pillugit pilersaarut nutartigaq
- Deloittep innersuussutai:

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- ilisimatitsissut tusaatissatut tiguneqassasoq
- suliaq ilisimatitsissutit Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Suliamik saqqummiussineq

Kvartalip aappaanni Meeqqanut inuussutunullu inuuniarnermikkut ajornartorsiortunut politikki innuttaasunut tusarniaassutigineqarpoq. Tamanna innuttaasunik ataatsimiititsinikkut kommunillu internetikkut innuttaasunik peqataatitsinermut attaveqaataatigut pivoq.

Politikki Oqartussaaffeqarfimmi Ikiorsiissuteqartarfimmilu pitsaaliuineranut sulianik pingaartitsinerulersitsivoq.

Kvartalip aappaanni Oqartussaaffeqarfimmi ingerlatsiviup allaffissorneranut toqqammavimmut aappasaaneerluni kukkunerisuiueq kiisalu ingerlatsivimmi sulianik aaqqissuussineq tamakkiisumillu isiginnissinnaalerneq pingaartinneqarsimavoq.

Oqartussaaffeqarfimmi kvartalip aappaanni aaqqissuussaanikkut allannguut atuutilersinneqarpoq. Tamatuma kingunerisaanik ingerlatsivimmi immikkoortortaarfimmi nutaamik agguataarisooqarlunilu sulisut nussorneqarsimapput. Taamaalilluni angajoqqaarsianut immikkoortortami aaqqissuusseqqittoqarpoq. Sullissinerit tamarmik angajoqqaarsianut tunngassuteqartut Nuummi qitiusoqarfimmi Pitsaaliuineranut Immikkoortortaarfuiup ataani Angajoqqaarsiat pillugit Suleqatigiinnit isumagineqartarput.

COVID-19 kvartalip aappaanni suli Ikiorsiissuteqartarfimmut sunniuteqarpoq, sulisut ilaat angerlarsimaffimmini sulimmata saaffiginnissutillu arlallit oqarasuaatikkut isumagineqarsimammata.

Tamatuma saniatigut COVID-19 pissutigalugu Nuummi qimarnguimmi inissanik amerlanernik pisariaqartitsisoqalersimavoq, taamaattumillu init nutaat atorneqalersimallutik.

Kvartalip aappaanni Meeqqanut Ilaqutariinnullu Ingerlatsivik assigiinngitsunik suleqateqarnermit sunnertissimavoq. Oqartussaaffeqarfik "one door policy" (matu ataaseq) pillugu innarluutilinnut tunngasuni Suliffeqarnermut Isumaginninnermullu Ingerlatsivimmik suleqateqalerpoq, Nuummilu Upalungaarsimasut pillugit suleqatigiinnik pilersitsisoqarpoq - "Nuummi meeqqat inuusuttullu kinguaassiuutitigut atornerlunneqarnissaannut akiuiniarneq", tassanilu politiit peqqinnissaqarfik Kommuneqarfik Sermersoorlu sinniisoqarput.

Aaqqiissutissatut siunnersuut – suliatigut naliliineq

Suliassatut pilersaarutit malillugit ataatsimut isigalugu Ingerlatsivik malinnaavoq. Deloitteilu innersuussutai tunngavigalugit Ingerlatsiviup eqqumaffigissavai:

- Suliat malinnaaffiginerat annertunerulissasoq qaammatillu aallaqqaataani suliat amerlassusaat, suliat nutaat kiisalu suliat naammasseriikkat nassiuteriikkallu naatsorsorneqartassasut innersuussutigineqarpoq.
- Ingerlatsivimmi anguniagassatut kisitsisit naammassiniarlugit qanoq iliuuseqartoqassanersoq ingerlatsivimmi eqqarsaatigineqassasoq innersuussutigineqarpoq.
- Suliunnaarnermi oqaloqatiginninnermi aalajangersimasumik periuseqartoqartassasoq – suliunnaarnermullu atatillugu oqaloqateqarnissamut najoqqutassiaq suliarineqassasoq innersuussutigineqarpoq.
- Ataavartumik atukkanik misissuisoqartarnissaa innersuussutigineqarpoq.
- Suliani ataasiakkaani aaqqissuulluakkamik aqutsineq pilersinneqassasoq innersuussutigineqarpoq.
- Suliatigut aqutsinermik nakkutilliineq aaqqissuunneqassasoq uppernarsarneqassasorlu innersuussutigineqarpoq.

Oqaaseqaatit siuliiniittut tusaatissatut tiguneqarput.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitallit

- o "Ineriartortitsinissamut Pilersaarut MI 2017-2020"

Ingerlariaqqinnissaq

Ineriartortitsinissamut Pilersaarut MI 2017-2020 naapertorlugu ineriartortitsinissamut sulineq ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqatigiinneq

Oqaaseqaateqartoqanngilaq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Ilanngussat

1. Killiffik pillugu nalunaarusiaq 12-iat, kvartalip aappaat 2020
2. Suliassanut pilersaarut 2017-2020 (nutartigaq)
3. Killiffik pillugu nalunaarusiami Deloittepe oqaaseqaatai

Punkt 05B: Meeqqat ilaqutariillu inuuniarnermikkut ajornartorsiuteqartut pillugit politikki 2020-2024

Beslutning

Inassuteqaat akuersissutigineqarpoq

Bilag

Politik for udsatte børn og familier - høringssvar (borgermøde + Kommuneqarfiga)_KAL.docx

Politik for udsatte børn og familier - høringssvar (Nakuusa)_KAL.docx

Politik for Udsatte børn og Familier 2020-2024_KAL.pdf

Meeqqat ilaqtariillu inuuniarnermikkut ajornartorsiuteqartut pillugit politikki 2020-2024

Aalajangiiffigisassaq

J.nr.: 42.00

Meeqqanut Ilaqtariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Meeqqanut Ilaqtariinnullu Ingerlatsivik, Meeqqat Ilaqtariillu inuuniarnermikkut ajornartorsiuteqartut pillugit politikkiornikuuvoq. Meeqqanut Ilaqtariinnullu Ataatsimiititaq februaarip ulluisa 13-ianni 2020 politikkimik saqqummiussiffigineqarpoq, tassanilu politikki innuttaasunut tusarniaassutigineqassasoq aalajangerneqarpoq.

Politikki tusarniaanermilu akissuteqaatit Kommunalbestyrelsimit isummerfigineqannginneranni, taakku Meeqqanut Ilaqtariinnullu Ataatsimiititami oqaluusereqqaarneqassapput, tamannalu pereerpat suliaq Aningaasaqarnermut Inuussutissarsiornermullu Ataatsimiititamut ingerlateqqinneqassalluni.

Inassuteqaat

Meeqqanut Ilaqtariinnullu Ingerlatsiviup Meeqqanut Ilaqtariinnullu Ataatsimiititamut inassuteqaatigivaa:

- politikki akuersissutigineqassasoq
- suliaq aalajangiiffigisassatut Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Suliamik saqqummiussineq

Meeqqat Ilaqtariillu inuuniarnermikkut ajornartorsiuteqartut pillugit politikki piffissami maajip ulluisa 12-ianniit – juunip ulluisa arfineq-aappaata 2020-p tungaanut innuttaasunut tusarniaassutigineqarpoq. Nuummi, Tasiilami Paamiunilu innuttaasunik ataatsimiititsinerni politikki saqqummiunneqareerpoq. Meeqqanut Ilaqtariinnullu Ingerlatsivimmi pisortaq Tasiilami Nakuusap meeqqat Siunnersoqatigiiffianik aamma ataatsimeeqateqarpoq. Nakuusap Nuummi meeqqanut Siunnersuisoqatigiiffia piffissami tamatumani Meeqqanut Ilaqtariinnullu Ingerlatsivimmik ataatsimeeqateqarsinnaasimanngilaq. Taakkua kingusinnerusukkat tusarniaanermut akissuteqaatiminnik nassiussaqarput. Tamatuma saniatigut politikki kommunip qarasaasiakkut innuttaasunut tusarniaaffia Kommuneqarfiga aqqutigalugu pissarsiarineqarsinnaalerpoq.

Tusarniaanermut akissuteqaatit (ilanngussaq takuuk) innuttaasunik ataatsimiititsinernit, Kommuneqarfigamit oqaaseqaatinit aammalu Nakuusamit pissarsiarineqarput.

Aaqqiissutissatut siunnersuut – suliatigut naliliineq

Meeqqanut Ilaqtariinnullu Ingerlatsiviup innersuussutigaa, politikki maanakkut isikkuatut akuersissutigineqassasoq, aammalu tusarniaanermut akissuteqaatit meeqqat ilaqtariillu inuuniarnermikkut ajornartorsiuteqartut pillugit suliniutissanik nutaanik pissarsiffiusinnaanersut misissoqqissaarneqassasut. Tamatuma saniatigut Meeqqanut Ilaqtariinnullu Ingerlatsiviup innersuussutigaa, Kommuneqarfik Sermersuumi ingerlatsivinni tamani meeqqanut ilaqtariinnullu tamanut atuuttussamik politikkiortoqassasoq.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitallit

Meeqqat tapersorneqarnissaannut Inatsisartut inatsisaat nr. 20, 26. Juni § 3, stk.3 2017-imeersoq

Ingerlariaqqinnissaq

Meeqqanut Ilaqutariinnullu Ingerlatsiviup tusarniaanerit akissuteqaatit taakkununnгалu tunngatillugu ataatsimiititap aalajangiinera Kommunalbestyrelsip tullianik ataatsimiinnissaanut Kommunalbestyrelsimut saqqummiutissavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Innuttaasunik peqataatitsineq Nuummi, Tasiilami Paamiuni innuttaasunik ataatsimiititsinikkut ingerlanneqarpoq, Nakuusa ataatsimeeqatigineqarpoq aammalu kommunip qarasaasiakkut innuttaasunik peqataatitsisarfia, Kommuneqarfiga aqutigalugu peqataatitsisoqarluni.

Ingerlatsivinnit allaniit oqaaseqaatigineqartut

Ingerlatsivinnit allaniit oqaaseqartitsiniartoqanngilaq.

Ilanngussat

1. "Meeqqat ilaqtariillu inuuniarnermikkut ajornartorsiuteqartut pillugit politikki - tusarniaanermit akissuteqaatit (innuttaasunik ataatsimiititsinerit + Kommuneqarfiga)"
2. "Meeqqat ilaqtariillu inuuniarnermikkut ajornartorsiuteqartut pillugit Politikki - tusarniaanermit akissuteqaat (Nakuusa)"
3. "Meeqqat Ilaqtariillu inuuniarnermikkut ajornartorsiuteqartut pillugit politikki 2020-2024"

Punkt 6: Taasariaqartut allat

Punkt 7: Lukket

Punkt 07X: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 14:30